

佛說孛經

亦云字經抄

彼四

吳月支優婆塞支謙譯

聞如是一時佛在舍衛國太子名祇有園田八十頃去城不遠其地平正多衆果樹處處有流泉浴池其中潔淨無有蚊蜂蚊蚋蠅蚤居士須達身奉事佛持五戒不殺不盜不婬不欺不飲酒見諦溝港常好布施賑救貧窮人呼爲給孤獨氏須達欲爲佛起精舍周徧行地唯祇園好因從請買太子祇言能以黃金布地令間無空者便持相與須達曰諾聽

隨價數祇曰我戲言耳訟之紛紛國老諫曰已許價決不宜復悔遂聽與之須達默念何藏金足祇謂其悔嫌貴自止曰不貴也自念當出何藏金耳即時使人象負金出隨集布地須臾滿四十頃祇感念佛必有大道故使斯人輕寶乃爾祇曰教齊是止勿復出金園地屬卿我自欲以樹木獻佛因相可適便立精舍已各上佛佛與千二百五十沙門俱止其中是故名曰祇樹給孤獨園也其王名卑先匿舉宮中及人民皆共事佛奉諸沙門衣

食牀卧疾藥所宜世無佛時諸異道皆興譬
如昏夜炬燭爲明天下有佛衆邪皆歇喻若
日出火無復光國中本共事五百異道人異
道衆邪是時皆廢諸異道人乃共嫉妬謀欲
毀佛以望敬事其女弟子名孫陀利曰師莫
愁也我能令人不復敬佛事師如故便從今
始欲日日粧梳衣服往詣佛諸沙門所至一
月後可默殺我埋祇樹間佯行求索衆人當
言數見此女往來精舍即詣王告乞吏搜索
啼哭出屍道其姪亂無戒行意國人聞是必

當捨佛來事諸師諸師曰善女如其言往來
一月師使四人共殺埋之分布求已詣闕告
言生亡一女衆人悉見日日往來諸沙門所
乞吏搜索王即勅外部吏與共按行諸師乃
徘徊再三過出屍與載徧行啼哭曰沙門
之法戒當清淨反姪人婦恐事發覺殺而藏
之有何道哉國人聞此多有信者唯得道人
知詐偽耳佛於是乃勅諸沙門且勿入城七
日之後事情當露至八日旦佛使阿難至巷
說曰妄語讒人天令口臭詐誣清白死入地

獄癡虐自怨長夜受苦國人聞是語皆相謂
日沙門必清淨故佛說此耳王使人微密伺
之見異道家竊相勞賀共賜四人異道人法
知經多者得分多一人頑闇得分獨少怒曰
當反汝事自共殺人而詐誣佛反與我少伺
人得之牽將上問到以實對即收謀者王與
羣臣俱出詣佛給孤獨氏諸清信士及國人
民無數皆行詣佛到作禮畢各一面坐王叉
手曰聞此謗莫不惘然唯佛至真清淨無
量不識其故何緣有此佛告王曰誹謗之生

皆由貪嫉而此久矣非適今也王曰願欲聞
之佛言宿命無數世時我為菩薩道常行慈
心欲度脫萬姓時有蒲隣柰國廣博嚴好人
民熾盛中有梵志姓瞿曇氏才明高遠國中
第一有三子其小子者端正無比父甚奇之
為設大會請諸道人中外親戚抱兒示之眾
師相視曰是兒好道有聖人相必為國師因
名為字孛幼好學才藝過人悉通眾經及天
下道術九十六種死生所趣山崩地動災異
禍福醫方鎮厭無所不知能却姪心消伏蠱

道武略備有而性慈仁瞿曇歿後二兄嫉之
數求分異曰字幼好學事師消費與分當少
母憐念之數曉二子二子不止字見兄意盛
自念人生皆爲貪苦所逼我不去者兄終不
息因自報母求行學道母便聽之字即去追
就明師作沙門便於山中自得四意一慈衆
生如母愛子二悲世間欲令解脫三解道意
心常歡喜四爲能護一切不犯復得四意諸
佛所譽一制貪婬二除恚怒三去癡念四得
樂不喜逢苦不憂又絕五欲目不貪色耳不

貪聲鼻不貪香舌不貪味身不貪細滑能以
智慧方便之道順化天下使行十善孝順父
母敬事師長諸疑惑者令信道德知死有生
作善獲福爲惡受殃行道得道見憂厄者爲
解免之疾病者爲施醫藥用字教者死皆上
天其有郡國縣邑水旱災異字至即平毒害
悉除時有大國安樂饒人王名藍達所任四
臣專行邪諂婬盜奸欺侵奪無厭民被其毒
王不覺知字愍傷之往到城外從道人沙陀
寄止七日乃入城欲乞食王於觀上見字年

少儀容端正行步有異心甚愛敬即出問訊
王曰願道人留意我有精舍近在城外可於
中止當給所須字曰諾王喜曰意欲相屈明
日已去日於宮食字曰善王還向夫人說字
非恒人汝明日當見之夫人心喜牀下有犬
犬名賓祇聞之亦喜明旦字來入宮王與夫
人迎爲作禮與施金牀氍毹毼毼字欲就座
犬前舐足王自行澡水敬意奉食食已而俱
出到外精舍字爲王說治國正法王大歡喜
因請字令與四臣共治國事四臣愚怯不習

戰陣自知貪濁常恐王聞一臣曰人死神滅
不復更生一臣曰貧富苦樂皆天所爲一臣
曰作善無福爲惡無殃一臣自恃知占星宿
然皆佞諂不爲忠正字性聰明高才勇健仁
義恭敬信順寡言言常含笑不傷人意清淨
無欲節色少事其政不煩預知災異能役鬼
神却起死人愛民如子教之以道不得醢醢
遊獵畋漁彈射鳥獸殺盜姪欺讒罵佞嫉諍
怒妖疑皆化使善其爲政後國界安寧風雨
時節五穀豐熟衆官承法不復擾民字體無

爲獨貴奉佛沙門四道朝暮誦習及其姘子
亦賢有志常師仰字國好學者多依附之王
無復憂一以委字四臣畏忌不得縱橫與嫉
妬意謀欲治字共合財寶人一億所伺王出
時以上夫人而自陳曰臣等至意奉家所有
及身妻子當爲奴婢欲白一事願蒙聽省夫
人貪得受其好寶答謝四臣曰便可說之四
臣對曰王所幸字被服麤陋似乞人耳見任
過重不念國恩日日道夫人惡教王遠房室
竊念夫人宜及少壯當有立子今若失時則

絕國嗣願熟思惟不除字者恐後有悔夫人
恚曰王信此人不知其惡各且還歸今自憂
之比令明日不見字也夫人遣四臣出即以
梔子黃面亂頭却卧須臾王還內妓白王夫
人不樂王素重之入問再三夫人不應王即
怒曰何人有罪應誅戮者汝欲使我取誰那
爾夫人垂泣曰王會不用我言耳王曰便說
之不違汝也夫人即曰王旦適出字來謂我
言今王老耄不能聽政國中吏民皆伏從我
以可圖之共此樂也今反爲此乞兒所謀我

故愁耳王聞是語譬若人噎既不能咽亦不得吐不用恐悔用之恐亂念字助我已十二年常以忠正憂國除患遠近賴之此國之寶不可治也王曰若治字者後必大亂為萬民故且共惡之夫人便自擲牀下舉聲哭曰不治字者我當自刺自投樓下不能見也王復曉曰汝亦知法此非小事起共議之夫人還坐王曰道人不可刀杖加之當以漸遣之稍減其養明日來者勿復作禮擎拳而已與施木牀於殿下坐炊惡廝米盛以瓦器如是慚

愧極自當去王說此時賓祇不悅夫人明旦即以王教具勅內厨字來入宮賓祇於牀下嗷嗷吠之字見狗吠夫人擎拳及所施設即知有謀自念我欲無害於人人反害我如是當避入深山耳小怨成大不可輕也彼以陰謀我宜慎之凡人身羸行正為強校四今我自有食鉢水瓶革屣繖蓋鹿皮之囊斯足用矣字食已攝物欲去王驚起曰是何疾也顧謂夫人乃使我失聖人之意即前牽字問欲何之字答曰為王治國十二年矣未曾見賓祇嗷

嗾如今日也是必有謀故欲去耳王曰實有
今見字意覺微甚明願自勸勵當誅惡人不
須去也字曰王前意厚而今已薄及我無過
宜以時去夫盛有衰合會有離善惡無常禍
福自追結友不固不可與親親而不節久必
媒嬖如取泉水掘深則濁近賢成智習愚益
惑數見生慢踈則成怨善交接者往來以時
親而有敬久而益厚不善交者假求不副巧
言利辭苟合無信接我以禮當以敬報待我
以慢當即遠避有相親愛迴相憎者愛時可

附憎不可近敬以親善戒以遠惡善惡無別
非安身之道人無過失不可妄侵惡人事已
不可納前人欲踈已不可強親恩愛已離不
可追思鳥宿枝折知更求栖去就有宜何必
守常朽枝不可攀亂意不可犯人欲相憊相
見不懽唱而不和可知為薄人欲相善緩急
則赴言以忠告可知為厚善者不親惡者不
踈先敬後慢賢愚不別不去何待夫人初拜
今但擎拳若我不去將見罵逐初施金座今
設木牀初盛寶器今用瓦甌初飯粳糧今惡

所來我不去者且飯委地知識相過主人視之一宿如金再宿如銀三宿如銅證現如此不去何待王曰國豐民寧字之力也今棄去者後將荒壞字曰天下有四自壞樹繁華果還折其枝虺蛇含毒反賊其體輔相不賢害及國家人爲不善死入地獄是爲四自壞經曰

媒嫁人妻聽用邪言是爲四自危經曰愚人作行爲身招患快心放意後致重殃王曰我師友字常在不輕當原不及莫相捐去字曰友有四品不可不知有友如華有友如秤有友如山有友如地何謂如華好時挿頭萎時捐之見富貴則附貧賤則棄是華友也何謂如秤物重頭低物輕則仰有與則敬無與則慢是秤友也何謂如山譬如金山鳥獸集之毛羽蒙光貴能榮人富樂同歡是山友也何謂如地百穀財寶一切仰之施給養

護恩厚不薄是地友也王曰今我自知志思
淺薄聽用邪言使字去也字曰明者有四不
用邪偽之友佞諂之臣妖孽之妻不孝之子
是為四不用經曰

邪友壞人佞臣亂朝 孽婦破家 惡子危親

校四

王曰相與愛厚宜念舊好不可孤棄也字曰
有十事知愛厚遠別不忘相見喜歡美味相
呼過言忍之聞善加歡見惡忠諫難為能為
不相傳私急事為解貧賤不棄是為十愛厚
經曰

化惡從善切磋以法忠正誨勵義合有道
王曰四臣之惡乃使字恚不復喜我字曰有
八事知不相喜相見色變眄眦斜視與語不
應說是言非聞衰快之聞盛不喜毀人之善
成人之惡是為八事經曰

卒閹殺人尚有可原懷毒陰謀是意難親
王曰是我頑弊不別明闇惡人所誤遂失聖
意字曰有十事知人為明別賢愚異貴賤知
貧富適難易明廢立審所任入國知俗窳知
所歸博聞多識達於宿命是為十事經曰

緩急別友戰鬪見勇論議知明穀貴識仁
王曰自我得字中外恬安今日相捨永無所
恃字曰有八事可以恬安得父財有善業所
學成友賢善婦貞良子孝慈奴婢順能遠惡
是爲八事經曰

按四

生而有財得友賢快諸惡無犯九有福尤快
王曰聖人之言誠無不快字曰有八事快與
賢從事得諮聖人性體仁和事業日新忿能
自禁慮能防患道法相親友不相欺是爲八
事經曰

有佛興快演經道快衆聚和快和則常安
王曰字常易諫今何難留字曰有十不諫慳
貪好色蒙籠急暴抵突疲極憍恣喜聞專愚
小人是爲十經曰

法語專愚如與聾談難化之人不可諫曉
王曰如我憍恣不能遠色字得無爲不復與
我語乎字曰人不與語有十事傲慢憍鈍憂
怖喜豫羞慚吃朋仇恨凍餓事務禪思是爲
十經曰
能行說之可 不能勿空語 虛僞無誠信

明哲所不顧

王曰惡婦美姿巧於詞令如有外姪卒何用知字曰有十事可卒知頭亂髻傾色變流汗高聲言笑視瞻不端受彼寶飾闕看垣墻坐不安所數至隣里好出野遊喜通姪女是爲十經曰

婦女難信利口惑人是以高士遠而不親王曰人情所近親信婦人不知其惡字曰人有十事不可親信主君所厚婦人所親怙身強健恃有財產大水潰處故屋危牆蛟龍所

居辜較縣官宿惡之人毒害之蟲是爲十經曰

謂酒不醉謂醉不亂君厚婦愛皆難保信王曰如字所語愛習生惡是可嫉也字曰可嫉有五麤口傷人伎四讒賊喜鬪譙誹不媚嫉妬呪詛兩舌面欺是爲五經曰

施勞於人而欲蒙祐殃及其軀自構廣怨王曰何等施行人所愛敬字曰愛敬有五柔和能忍謹而有信敏如少口言行相副交久益厚是爲五經曰

知愛身者慎護所守志尚高遠學正不昧
王曰何者爲人所慢字曰見慢有五鬚長而
慢衣服不淨空無志思姪態無禮調戲不節
是爲五經曰

攝意從正如馬調御無憍慢習天人所敬
王曰願字留意共還精舍字曰有十事不延
於堂惡師邪友蔑聖反論姪汰嗜酒隱弊長
者無反復子婦女不節婢妾莊飾是爲十經
曰
遠避惡人姪荒勿友從事賢者以成明德

王曰字在我樂四方無事今日去者國中必
嗟字曰有八事可以安樂順事師長率民以
孝謙虛上下仁和其性救危赴急恕己愛人
薄賦節用赦恨念舊是爲八經曰

修諸德本慮而後行唯濟人命終身安樂

後四

十一

王曰吾常念字豈有忘時字曰智者有十二
念鷄鳴念悔過作福早起念拜親禮尊臨事
念當備豫所止念避危害言語念當至誠見
過念以忠告貧者念當哀給護有財念行布
施飲食念以時節分物念以平均御衆念用

恩賜軍具念時繕治是爲十二念經曰

修治所務慮其備豫事業日新終不失時
王曰安得大賢使留字乎字曰大賢有十行
學問高遠不犯經戒敬佛三寶受善不忘制
欲怒癡習四等心好行恩德不擾衆生能化
不義善惡不亂是爲十行經曰

明人難值如不比有其所生處族姓蒙慶
王曰我過重矣畜養惡人使字恚去字曰大
惡有十五好殺劫盜姪佚詐欺諂虛飾佞
讒誣善貪濁放恣酗酖妬賢毀道害聖不計

殃罪是爲十五經曰

奸虐饕餮怨譖良人已行不正死墮惡道
王曰曉字不止使我慚愧字曰人有十事可
愧君不曉正臣子無禮受恩不報過不能改
兩夫一妻未嫁懷妊習不成就人有兵仗不
能戰鬪慳人觀布施奴婢不能使是爲十經
曰

世儻有人能知慚愧是易誘進如策良馬
王曰吾始今日知有道者爲難屈也字曰有
十二難任使專愚難怯弱御勇難仇恨共會

難寡聞論議難貧窮償債難軍無師將難事
君終身難學道不信難惡望生天難生值佛
時難得聞佛法難受行成就難是爲十二經
曰

人命難得值佛時難法難得聞能受行難

王曰今與字談益我有智字十二曰略說其要人
所當知四十五事修其室宅和其家內親於
九族信於朋友學從明師事必成好才高智
遠宜守以善富當行恩治產宜慎有財當廣
方業子幼勿付財相善與交苟合莫信財在

縣官當早憂出賣買交易以誠勿欺凡所投
止必先行視所往當知貴賤入國當親善人
客宜依勢無與強諍故富可求復素貧勿大
望寶物莫示人匿事莫語婦爲君當敬賢厚
勇取忠信清者可治國趣事能立功教化之
紀孝順爲本師徒之宜貴和以敬師多弟子
當務義誨爲醫當有效驗術淺不宜施用病
瘦當隨醫教飲食取節便身知識美食當共
博戲莫吝財命抵所施假貸當手自付證佐
從正勿枉無過諫怒以順避惡以忍人無貴

賤性和為好道以守戒清淨為上天下大道
無過泥洹泥洹道者無老病死飢渴寒熱不
畏水火怨家盜賊亦無恩愛貪欲眾惡憂患
悉滅故曰滅度王當自愛我今欲退王曰字
欲去者寧復有異戒乎字曰譬如大水所盪
突處雖百歲後不當於中立城郭也其水必
復順故而來宿惡之人雖欲行善故不當信
本心未滅或復為非不可不戒人所欲為譬
如穿地鑿之不止必得泉水事皆有漸智者
見微能濟其命如人健洄截流度也王曰前

伎四

十三

後所說我皆貫心舉國士女靡不歡喜舊惡
低伏無敢言者王曰願聞其言儻遭異人何
知其明字曰明者問對種種別異言無不善
師法本正以此知之明人之性仁柔謹慤溫
雅智博眾善所仰無有疑也觀其言行心口
相應省其坐起動靜不妄察其出處被服施
為可足知之與明智談宜得其意得其意難
如把刃持毒不可不慎也王曰欲事明者不
失其意為之柰何字曰敬而勿輕聞受必行
明者識真體道無求知來今往古一歸空無

人物爲化少壯有老強健則衰生者必死富貴無常是故安當念危盛存無常善者加愛不善黜遠雖有仇恨不爲施惡柔如難犯弱而難勝明人如是不可慢也王曰盡心愛敬以事明智寧有福乎字曰智者法聖以行其仁樂開愚蒙成人之智治國則以惠施爲善修道則以導人爲正國家急難則能分解進退知時無所怨尤恩廣德大不望其報事之得福終身無患王其勿疑治正之法不可失道勸民學善益國最厚王曰誰能留字我心

愁慘恍惚如狂垂泣向字懺悔解過字曰如人不能汨不當入深水知報仇者不當豫嬈親厚中諍後更相謝雖知和解善不如本無諍也善不能賞反聽讒言我如飛鳥止無常處道貴清虛不宜人間如野火行傍樹爲焦後四激水破船毒蟲害人與智從事十四不當擾也草木殊性鳥獸類分白鶴自白鷓鴣自黑我與彼異無欲於世如田家翁坐習山藪與之好衣爲無益也天下有樹其名反戾主自種之不得食實他人竊取果則爲出今王如是善

安國者而見驅逐佞僞敗正反留食祿賓客
久留主人厭之我宜退矣王曰人命至重願
垂憶念今欲自力事字勝前字曰王雖言之
猶不得施夫人意惡我不宜留天下家家皆
有炊食沙門所以持鉢乞者自樂除貪全戒
無為遠罪咎也王曰今字既去莫便斷絕願
時一來使我不恨字曰如俱健者猶復相見
且欲入山以修其志夫近而相念惡不如遠
而相念善智者以譬喻自解請說一事譬喻
如人以蜜塗刀苟得舐之以傷其舌坐貪小

甜不知瘡痛四臣如是但美其口心如利刀
王其戒之自今已後若有驚恐常念字者衆
畏必除字復曰鷄鵠樂冢羣鼠糞居百鳥栖
樹鶴處汙池物各有性志欲不同我好無為
如王樂國器雖麤弊不可便棄各有所貯愚
賤不肖亦不可棄各有所用王當識此我猶
知人言意所趣如鳥集樹先從下枝間關趣
上見賓祇吠以知中外有謀意欲厭故更受
新也字曰請退即起出城王與夫人啼泣送
之人民大小莫不號怨王行且問誰可信者

彼四

十五

字曰我姊子賢善可與諮議時時共出巡行國中觀民謠俗可知消息王曰受教即與傍臣人民爲字作禮於是別去字去之後四臣縱橫於外以佞辯爲正夫人於內以妖蠱事王王意迷惑不復憂國奢姪好樂晝夜耽荒衆官羣僚發調受取無有道理征卒市買不復顧直强者尅弱轉相抄奪互相殺傷不畏法禁良民之子掠爲奴婢六親相失遂竄苟活災異相屬王不能知風雨不時所種不收國虛民窮飢餓滿道歌謠怨聲感動鬼神人

民愁怖亡去略盡號泣而行莫不思字字如鵠鷹臨衆鳥上厭伏奸人慈育民物如天帝釋字姊子道人後適他郡見國荒亂聚落毀壞人民單索還爲王說大臣不正放縱劫盜掠殺無辜殘害無道人怨神怒天屢降災遠近皆知而王不覺今不早圖且無復民王乃驚曰果如字戒我所任者如狼在羊中知民當散如奔車逸馬道人旣告何以教之道人曰字去國亂皆由奸臣王宜更計國尚可復願一循行目見耳聞當知其實王即與道人

私出案行國界見數十童女年皆五六十衣服弊壞呼嗟而行道人問曰諸女年大何以不嫁答曰當使王家窮困如我快也道人曰汝言非也王者位尊憂重何能憂汝女曰不然王治不正使國飢荒夜則困於盜晝則窮於衣食不供誰當嫁娶我也王復前行見諸老母衣不蓋形身羸目瞑啼哭而行道人問曰皆有何憂答曰當使國王窮盲如我快也道人曰是言非也老自目瞑王有何過諸母曰我夜為盜所劫晝為吏所奪窮行採薪

觸犯毒螫使我如此非王惡耶王復前行見一女人跪犖牛潼為牛所踰躅地罵曰當踰王婦如我快也道人問曰牛自踰汝王家何過答曰不然王治不政使國荒亂盜賊不禁令我善牛見奪今為弊牛所踰非王惡耶道人言汝自不能犖牛女曰不然若王家善字自當留國不亂也王復前行見鳥啄蝦蟇蝦蟇罵曰當使惡王見啄如我快也道人曰汝自為鳥所啄王當護汝耶答曰不望護也王無恩潤政治不平祭祀廢絕天旱水竭故使

我身鳥見啄耳蝦蟆喚曰知爲政者棄一惡人以成一家棄一惡家以成一鄉不知政者民物失所天下怨訟道人曰百姓無罪呼嗟感天神使蝦蟆降語如此王所具見宜退惡人改往修來與民更始如種善地雨澤以時何憂不熟王曰今當任誰道人言宜急呼字仁聖知時反國必安王還即遣使者入山請字言若字不還當向叩頭道我自知怨負萬民憂不能食須待字到字素慈仁憂念十方知我國荒想必來也使受命往到字所

後四

十七

稽首白言大王慙懃致敬無量自知罪過深重違失聖意使國荒亂百姓窮困涕泣思字不能飲食願垂愍念復一相見也字哀人民故隨使者還道見死獼猴故剥取其皮欲以坐諸國人聞字來皆出界迎字到城外止故精舍王出相見作禮問訊畢一面坐叉手謝字曰空頑不及害負天民請自悔勵幸遂原之字曰甚善四臣過耳語字曰卿等無過何不公談四臣恚曰子爲沙門欲望天福人皆稱善不當殺獼猴取其皮也字曰卿等自迷

惑不別真偽耳是輩好惡天悉知之苦樂有本不可強力為惡罪追雖久不解作善福隨終不敗亡禍福在己愚謂之遠以我剥皮而殺獼猴難此似是卿曹默默為奸不止相殺事耶言命在天謂善無益為惡無殃禍福之報自然如響響應隨聲非從天墮卿所作惡豈不自識雖欲誣之自然不聽此非謗我為自中耳卿一人言人死神滅不復生者是聖語耶從意出乎自欲為惡反言作善無福為惡無殃夫天之明象日月星辰列現於上誰

為之者四臣默然字復曰天地之間一由罪福人作善惡如影隨形死者棄身不亡其行譬如種穀種種敗於下根生莖葉實出於上作惡不斷譬如燈燭展轉然之故炷雖消火續不滅行有罪福如人夜書火滅字存魂神隨行轉生不斷卿曹意志自以為高如人殺親可無罪乎四臣答言夫蔭其枝者不摘其葉何況殺親而當無罪字曰然卿難我是吾取死皮汝尚誣之卿等所為當復云何卿一人言人死神滅不復生一人言苦樂在天一人

按四

十八

言作善無益一人言自怙知占星宿外陽爲善內陰爲奸譬言如僞金其中純銅貌飾善辭心行讒賊如狼在羊中主不能覺天下惡人亦稱爲道被髮卧地道說經戒專行諂欺貪利欲得愚人信伏如雨淹塵羣妖相厭如水流溢不時入海多所傷敗唯有聖人能濟天下化惡授善莫不蒙祐若善無福惡無殃者古聖何故造制經典授王利劍夫行有報其法自然善者受福惡者受殃天之所疾禍無久遲陰德雖隱後無不彰故國立王王政法

天任賢使能賞善罰奸各隨其行如響應聲人死神去隨行往生如車輪轉不得離地信哉罪福不可誣也人行至誠鬼神助之惡雖不覺終必受殃故當戒慎遠惡知慙若皆爲善稟氣當同不善者多或有不平或壽不壽多病少病醜陋端正貧富貴賤賢愚不均至有盲聾瘡痼跛蹇癰殘百病皆由宿命行惡所致其受百福人所樂者則是故世善行使然積德忠正故有日月星辰有天有人帝王豪富是其明證也何可言無宜熟思之勿謂

後四

十九

不然字說是時王與臣民無不解悅字曰古昔有王名為狗獵池中生甜魚甘而少骨王使一人監護今日獻八魚其監亦日竊食八枚王覺魚減更立八監共守護之八監又各日竊八魚守之者多魚為之盡今王如是所任不少為亂益甚譬如人摘生果既亡其種食之無味王欲為治不用賢人既失其民後又無福治國不正則使天下有諍奪之心如人治產不勤用心則財日耗國有勇武習戰陣者不足其意則弱其國為王不敬道德不

事高明生則賢者不歸死則神不生天掠殺無辜使天下怨訟則天降災身失令名治國以法為政得忠敬長愛少孝順奉善現世安吉死得上天譬如牛行其導直正餘牛皆從貴賤有導率下以正遠人伏化則致太平為君當明探古達今動靜知時剛柔得理惠下利民布施平均如是則世世豪貴後可得泥洹之道眾坐皆喜稱善無量王即避座稽首言今字所語譬如疾風吹却雲雨幸本慈念垂化如前字即起行隨王入宮四臣愚癡於

永樂北藏

佛說孝經

佛說字經

音釋

第四七册